



美濃瓜

禮拜去西螺街買幾下頭亂薺和茄秧轉去種。嘛脛著有在賣美濃瓜秧，順續買十頭轉去種。記得做細子个時，屋下開始種美濃瓜，在早冬禾討割進前，阿怙即去田，順著禾行用糞泥个鏟糞一畝畝个泥柱，在泥柱面上留兩空，攞來即係細子提美濃瓜籽放在空內底，攞用糞揸。等成過月，瓜秧大頭啊，禾嘛好割啊。這時務頭一等無閒。晨早割禾，下晝即牽鐵牛犁細股个瓜仔股。大人載真多糞和雞屎落在瓜股中央，用犁枷泥犁俚，變做一股一股細股个瓜股。大人、細子擎鐵耙枷泥耙得佢平。有个人跔在後背用禾桿揸瓜仔股。大家一直一直做，拚到大粒汗細粒汗。

這時務頭歡喜即係有點心好食，有仙草、米篩目、水冰這兜。雖然辛苦，毋過若想著後即日有美濃瓜好食，口涎水即硬討流落來。做到日頭落山个時，枷瓜種好啊，轉到屋下，歸廬身攏痠疾，實在真恹。攞來即等瓜一日一日大，大到一手婆長个時，即愛斷瓜心。斷心了後，瓜正會分出愈多个穎，後即日生愈多个瓜。即按耐心照顧，等啊等，等瓜難大，一日無閒過一日。等到瓜藤像雞嫻嫻、打瓜啊，若像雞卵大，慢慢像拳頭大粒，猶青拚拚，猶官好食。逐回去田底落肥料、割草，即日珠勾勾在相，尋脛望有黃个無。

等啊等，等到有一日，阿怙講，韶日打早討掙瓜。即真歡喜，有美濃瓜好食啊。阿依早即用肥料袋攞做瓜袋好裝瓜。打早俚四點个時，歸屋下个人坐阿怙用鐵牛拖个犁仔 kag 去田掙瓜。今日係掙頭水瓜，大人掙瓜，細子用袋枷瓜揸出去，攞用腳盆裝水洗瓜。逐个人攏真無閒。驚自家个手甲枷瓜傷著，洗瓜个人愛戴手落仔。一股掙過一股，這時務若有脛著必箍抑係得蜂叮个，即真歡喜，知這款瓜係頭甜頭好食个。即擎弓蕉刀，枷皮削削个，連籽攏食落去，實在係真甜真好食。食過一粒過一粒，這時務，大人即會講，毋好顧食，攞緊枷事做做較要緊。等大人枷瓜掙好，即出來裝瓜。枷頭靚留起來做籠面，一緣一緣枷瓜頭好遐裡排得佢好勢。落尾扛起去車底，用幾面盆清水枷瓜潑潑个，保持頭讚个，用鐵牛拖去瓜市賣得瓜販。這兜在逐年六月冬个時，即會攞來一遍。毋過現時，阿怙老啊，屋邊隔壁个作穡人嘛攏老啊。成過歸田洋个瓜田，嘛毋會攞有。毋過美濃瓜甜甜个滋味，一世人攏在恹心肝底。

作者：李秉璋

☆詞彙學習☆

【早冬禾】zooˋ dungˋ bbooˋ：臺灣的稻子大 【穎】innˋ：分枝、枝芽。

部份為一年兩穫，分別在六月份收割的早冬及 11 月份收割的尾冬。 【雞嫻嫻】geˋ maˋ pu：指瓜藤已像雞窩那麼大。

【泥柱】niˋ teeuˋ：圓柱形的泥土。

【犁仔 kag】liˋ aˋ kag：拼裝板車。

【糞】bunˋ：此處指的是將菜葉、稻草、雞、豬糞便做成的堆肥。

【頭水瓜】teuˋ fiˋ guaˋ：第一次採摘的美濃瓜。

【水冰】fiˋ binˋ：將砂糖製成的糖水，加上百香果、鳳梨等用機器攪拌成綿密細緻口感的冰砂。

【必箍】bidˋ keuˋ：瓜果過熟，果實產生裂痕。 【蜂叮】pungˋ tinˋ：被果蠅產卵後，瓜果產生凹洞。

【後即日】heu cidˋ ngidˋ：來日，未來的日子。 【裝瓜】zongˋ guaˋ：瓜果按美醜裝到竹籠內。